

## CLARK, GEORGE THOMAS (1809 - 1898), peiriannydd a hynafiaethydd

**Enw:** George Thomas Clark

**Dyddiad geni:** 1809

**Dyddiad marw:** 1898

**Priod:** Ann Clark (née Lewis)

**Plentyn:** Godfrey Lewis Clark

**Rhiant:** Clara Clark (née Dicey)

**Rhiant:** George Clark

**Rhyw:** Gwryw

**Galwedigaeth:** peiriannydd a hynafiaethydd

**Maes gweithgaredd:** Peirianeg, Adeiladu, Pensaerniaeth Forwrol ac Arolygu Tir; Hanes a Diwylliant; Ysgolheictod ac Ieithoedd

**Awdur:** Henry John Randall

Ganwyd 26 Mai 1809, mab George Clark (1777 - 1848), caplan yn y Chelsea Hospital, a Clara Dicey. Fe'i haddysgwyd yn ysgol Charterhouse, a bu am gyfnod yn astudio meddyginiaeth, ond penderfynodd fynd yn beiriannydd. Bu'n gweithio o dan I. K. Brunel ar y Great Western Railway, gan arolygu'r gwaith ar stesion Paddington a'r pontydd yn Basildon a Moulsoford; efe a ysgrifennodd y teithlyfr dienw i'r rheilffordd hon a gyhoeddwyd yn 1839 ac a wnaethpwyd yn hanes llawnach yn 1846. Tua'r flwyddyn 1843 aeth i'r India i wneuthur gwaith peiriannyddol dros y Llywodraeth, eithr nid arhosodd yno'n hir, o achos ei iechyd. Parodd erthygl a ysgrifennodd i'r *Westminster Review* iddo gael ei ddewis yn arolygydd o dan y 'General Board of Health,' pryd y bu iddo baratoi adroddiadau a gyhoeddwyd ar gyflwr iechydol rhai o drefi De Cymru; fe'i dewiswyd yn un o dri comisiynydd y bwrdd hwn.

Blwyddyn bwysig yn ei fywyd oedd 1852. Yn y flwyddyn honno fe'i dewiswyd yn ymddiriedolwr o dan ewyllys [Syr Josiah John Guest](#); o hynny ymlaen hyd 1897 efe oedd gwir lywodraethwr gwaith haearn enwog Dowlais. Nid oedd gwaith Dowlais yn talu ar y pryd, eithr bu i Clark, gyda'i athrylith fel gweinyddwr a'i allu i ddewis cyd-swyddogion gwir gymwys, lwyddo i'w ddirychafu i fod yn un o'r gweithydd pwysicaf yn y wlad. Bu'n cynorthwyo Syr Henry Bessemer i berffeithio'i ddull newydd o wneuthur dur, cyrchodd haearn brwd o Bilbao yn Sbaen ac o fannau newydd yng Nghymru, ac, yn ddiweddarach, er mwyn arbed costau cludo, symudodd y gwaith o Ddowlais i Gaerdydd. Yr oedd ei ddiddordeb mewn materion diwylliannol a chymdeithasol lawn cymaint â'i ddiddordeb mewn busnes a masnach. Codwyd ysbyty Dowlais ar ei gost ef; efe hefyd a fu'n gyfrifol am achosi agor ysgolion Dowlais.

Eithr ar gyfrif gwaith Clark fel hynafiaethydd y coffeir ef yn bennaf. Ysgrifennodd draethawd gwerthfawr ar gastell Caerffili pan nad oedd ond 25 oed. Yn 1843 bu'n helpu i sefydlu'r gymdeithas a adweinid wedi hynny'n 'Royal Archaeological Institute,' a bu cysylltiad hir rhyngddo â hi ac â'r Cambrian Archaeological Association. Oblegid ei fod yn beiriannydd nid yw'n rhyfedd i bwnc amddiffynfeydd y Canol Oesoedd dynnu ei sylw; cyhoeddodd astudiaethau manwl ar amryw gestyll - rhai Cymru yn eu plith - a chyhoeddwyd hwynt gyda'i gilydd yn 1884 o dan y teitl *Mediaeval Military Architecture in England*,

gwaith sydd yn parhau'n bwysig. Cyhoeddodd gasgliad helaeth o siarteri yn ymwneud â Sir Forgannwg - gweler yr ail arg. mewn chwe chyfrol a gyhoeddwyd yn 1910, o dan yr enw *Cartae et Alia Munimenta quae ad Dominium de Glamorgancia pertinent*. Y gwaith gwerthfawr hwn ydyw sylfaen pob gwaith ymchwil a wnaethpwyd wedi hynny i hanes cynnar y sir honno; hwn hefyd oedd sylfaen gwaith arall gan Clark, sef *Land of Morgan* (1883). Y mae ei waith ar achau teuluoedd y sir, *Limbus Patrum Morganiae et Glamorganiae...*, 1886, yn parhau i gael ei ddefnyddio.

Priododd Ann, ferch Henry Lewis, Greenmeadow, Tongwynlais, 3 Ebrill 1850. Bu hi farw 6 Ebrill 1885 gan adael mab, GODFREY LEWIS CLARK, a merch. Bu G. T. Clark farw yn Nhalygarn, gerllaw Pontyclun, 31 Ionawr 1898.

## Awdur

Henry John Randall, (1877 - 1964)

## Ffynonellau

*Oxford Dictionary of National Biography*

cofiant a llun yn *Cartae et Alia Munimenta quae ad Dominium de Glamorgan pertinent* (1910)

Archifau LIGC: [NLW MSS 5171-5234: G. T. Clark Manuscripts](#)

Archifau LIGC: [NLW MS 6115B: The Earls, Earldom, and Castle of Pembroke... \(copy\), with notes](#)

Archifau LIGC: [NLW MS 11082A: Letters](#)

Archifau LIGC: [NLW MS 14991B: Sermons on the Beatitudes by Samuel Clarke](#)

Archifau LIGC: [NLW MS 14992C. - Clark parentalia letters](#)

Archifau LIGC: [NLW MS 14993E: Limbus partum epistolae of George Clarke](#)

Archifau LIGC: [NLW MS 14994E: Limbus patrum epistolae of George Clarke](#)

Archifau LIGC: [NLW MS 14995A: Notes and extracts by George Clarke](#)

Archifau LIGC: [NLW MS 14996D: Quotations from Milton by George Clarke](#)

Archifau LIGC: [NLW MS 14997B: A commonplace book of Joseph and George Clarke](#)

Archifau LIGC: [NLW MS 14998A: A diary of George Clarke](#)

Archifau LIGC: [NLW MS 14999E: Letters from Mrs Ann Dicey](#)

Archifau LIGC: [NLW MS 15000C: Typescript copies of letters, 1804-1815, of George Clarke](#)

Archifau LIGC: [NLW MS 15001C: Typescript copies of letters, 1815-1828, of George Clarke](#)

Archifau LIGC: [NLW MS 15002A: A journal of a tour through Wales by Charles R. Clark](#)

Archifau LIGC: [NLW MS 15003B: A diary of George Thomas Clark](#)

Archifau LIGC: [NLW MS 15004B: Diaries of George Thomas Clark](#)

## Darllen Pellach

Brian Lloyd James, *G.T.Clark: Scholar Ironmaster in the Victorian Age* (University of Wales Press 1998)

Erthygl Wicipedia: [George Thomas Clark](#)

## Gweithiau

George Thomas Clark, *Report to the General Board of Health on a preliminary inquiry into the sewerage, drainage, and supply of water, and the sanitary conditions of the inhabitants of the county of the borough of Carmarthen* (Clark London 1849)

## Dolenni Ychwanegol

VIAF: [8832204](#)

Wikidata: [Q5512496](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC-RUU/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

